

國策地名考

國策地名考卷六

歙 程恩澤 纂

儀徵阮其璽先生鑿定 溧陽 狄子奇 箋

陽湖 顧文炳 忝

楚上

原注今之南郡江夏零陵桂陽武陵長沙漢中汝南皆其分也江陵故郢都西通巫巴東有雲夢之饒張氏琦曰陳爲楚都豈容不數又滅越滅魯分宋之沛自今河南陳州汝寧二府光州信陽陝西之漢中興安山東之泰安兗州兩湖兩江浙閩兩廣皆有楚地恩澤案楚萃

姓驚熊曾孫熊繹封於丹陽在今湖北宜昌府歸州東

南七里武王

一作文王

始都郢在今荊州府江陵縣北十里

紀南城平王更城郢在今江陵縣東北三里

或曰卽紀南城說見

下昭王遷都在今襄陽府宜城縣西南九十里

按通志云都在

襄陽宜城縣東今襄州南二百二十里廢樂鄉縣是其地有郢鄉在郢水旁又宜城西南有郢亭山括地志楚昭王故城在襄州樂鄉縣東北三十二里水經注以爲卽郢鄢似誤鄢在宜城縣西南九里高士奇曰楚嘗自郢徙鄢踰年而復非郢卽鄢也襄王保陳城卽故陳國在今河南陳州

府考烈王遷鉅陽卽今安徽潁州府西北四十里細陽

城又徙壽春在今鳳陽府壽州後三世至負芻爲秦所

滅淮南子兵略訓楚南卷沅湘北繞潁泗西包巴蜀

東襄鄒淮潁汝以爲泗江漢以爲池垣之以鄧林縣之
以方城

荆

秦策張儀說秦王曰章天下陰燕陽魏連荆固齊收餘
韓成從原注荆楚也始皇諱其父名故稱曰荆恩澤案

荆本山名禹貢荆及衡陽惟荆州荆之得名以此左傳

我先王熊繹辟在荆山杜注荆山在新城沔鄉

師古曰在南郡

臨沮縣東北今在襄陽府南漳縣西南

楚在其西南楚之稱荆舊矣茲蓋

復其故號耳疏謂荆楚一木二名故以爲國號亦得二

名似非本義

或云荆楚本二國楚滅荆故稱荆非是

郢

秦策頃襄王二十年章秦白起拔楚西陵或拔鄢郢夷
陵高注郢楚都也

恩澤

案左傳子囊將死遺言謂子庚

必城郢及子常城之卽故郢也並無別遷之文地理志
南郡江陵縣故楚郢都楚武王自丹陽徙此後九世平
王城之後十世秦拔我郢徙陳是平王所城卽武王所
徙也又云郢楚別邑故郢錢坫曰疑卽左傳所云郊郢
今安陸府鍾祥縣地水經注云今江陵紀郢城楚船官
地春秋之渚宮郢城卽子囊遺言所城者地理志曰楚
別邑故郢矣

見江
水篇

是蓋誤以漢志別邑之郢爲故都之

郢然其地固未嘗易也後又云江陵西北有紀南城楚
文王自丹陽徙此不王城之班固言楚之郢都也見水篇
則郢注與班志並無異義杜注孔疏並主此說地理通釋亦然自郡國志
注引荊州記分紀南城郢城爲二括地志通典諸書並
宗之似與古不合姑兩存之

郢

見上原注南郡宜城注故郢恩澤案郢本水名括地志

出襄州義清縣西界託伏山卽蠻水也又名夷水左傳及郢亂次以濟王沿夏

將欲入郢是也古郢子國於此楚滅之以爲別都括地

志故偃城在襄州安養縣今襄陽北三里古郢子之國

也南去荊州二百五十里在襄州北五里正義郢在襄

州率道縣

今宜城縣

南九里據此則郢與偃亦非一地當以

正義爲是楚嘗自郢徙此踰年而復高誘曰秦兵出

武關則臨郢下黔中則臨郢荊州記襄陽舊楚之北津

從襄陽渡江經南陽出方城關是通周鄭晉衛之道其

東津經江夏出平澤關是通陳蔡齊魯之道

此據春秋時言而戰

國形勢亦可推見地理通釋林氏曰江陵郢也襄陽郢也自江

陵圖北方必經襄陽襄陽楚之北津也

陳城

同上王徙東北保于陳城

恩澤

案地理志淮陽國陳縣

故國舜後胡公所封爲楚所滅楚頃襄王自郢徙此命
曰郢故曰郢陳通典故城在宛邱縣西南後漢書今爲
河南陳州府治

陳

同上荆章荆王亡走東伏于陳恩澤案陳卽陳城也

方城

西周策韓魏易地章則楚方城之外危高注方城楚塞
鮑注南陽郡注葉公邑號方城補曰正義云方城山在
葉縣西恩澤案左傳云楚國方城以爲城杜注方城山
在南陽葉縣南淮南子天下九塞方城其一地理志葉

縣南有長城號曰方城章昭曰方城楚北之阨塞

服虔曰在

漢南非是

荆州記葉東界有故城始犍縣東至颯水逕泚陽

界南北連連數百里號爲方城一曰長城水經注楚盛

周衰控霸南土欲爭強中國多築列城于北方以通華

夏號曰萬城

臧氏琳曰萬城者合葉與陳蔡不羹四城言之卽所謂列城也丹鉛餘錄以左傳方

城古本作萬故曰萬城似謬

亦曰方城蓋置城於山上以爲要隘其

山連接南陽唐縣葉縣之境幾數百里故曰長城又曰

萬城

郭仲產曰若菜于東之間有小城名方城東臨溪水若菜卽黃城也及于東通爲方城矣今在

河南南陽府葉縣南四十里跨裕州界 朱子曰荆州

地勢四平其守當在外楚人謂方城爲城漢水爲池是

也蘇軾之曰鄆縣有故城一而宋許里數騎爲長城也
方城之西隔其間相去六百里南北雖無若暴皆連
山相接而漢水居其南故屈完云云林氏曰宛在方城內葉在方城外

有方城內有冥隄而宛葉爲之表裏高士奇曰其後拓
地漸東又以申息爲重鎮申在方城內居西卽南陽縣息在

方城外居東

卽息縣

陘山

秦策楚魏戰於陘山章原注在密縣屬河南正曰徐廣
云召陵有陘亭密縣有陘山正義云括地志在鄭州新
鄭縣西南皆一地也張氏琦曰陘山在今開封府新鄭
縣南三十里與密縣接界楚北有汾陘之塞卽此非召

陵之陘亭也

恩澤

案今新鄭縣南並無此山當以在召

陵者爲是下條亦然種秦說韓云南有陘山正指召陵
言與楚爲一地若在新鄭則不得云南有陘山矣

汾陘之塞

本策種秦爲趙合從說楚威王曰章楚地西有黔中巫
郟東有夏州海陽南有洞庭蒼梧北有汾陘之塞郟陽
原注陘召陵陘亭補曰汾陘韓地此句有誤史作陘塞
大事記謂卽陘山也

恩澤

案左傳子庚治兵于汾杜注

襄城東北有汾邱城

或曰成十六年楚師還及瑕卽此

此卽汾陘之汾

也郡國志襄城縣有汾邱水經注潁水自潁陰又東歷

是邱城南故汾邱城也蓋陘山在今郟城縣汾邱在今

襄城縣俱屬許州

地理通釋謂在汝鄭二州尚混

陘山在東北汾邱在

西南相距不過百里當其間者卽所謂汾陘之塞也吳

以汾陘爲韓地蓋以韓世家有秦拔我陘城汾旁之文

故疑之耳不知彼自爲韓地

史記之陘城汾旁卽左傳

之旁也顧炎武曰在今翼城縣東南七十五里

此自爲楚地各不相涉也

鼂塞

本策莊辛謂楚襄王曰章填鼂塞之內而投已乎鼂塞

之外

張氏琦曰破郢郢燒夷陵在鼂塞之南故曰內東北保陳在鼂塞之北故曰外

原注江夏

有郟卽郟隘之塞補曰左氏冥阨注漢東道正義云申

州羅山縣本漢郟縣州有清平關蓋古郟縣之阨塞又云石城山楚世家涉郟塞亦指此

恩澤

案呂氏春秋天

下九塞冥阨其一

淮南子同

劉伯莊曰秦兵向楚有兩道

涉

西道河外東道

從褒斜入梁州卽東南至申州攻石城山險阨

之塞也括地志石城山在申州鍾山縣東南二十一里

魏攻冥阨卽此山山上有石故城史記音義或言冥阨

在郟縣稍山高士奇曰其地有大小石門鑿山通道實

爲險阨一曰平靖關

此義陽三關之一也其二關一曰武陽卽左傳大隧一曰黃陂卽左

傳直轅見齊書州郡志義陽唐申州

因山爲障不營濠湟故以平靖爲名

楚所恃以爲固者申息之間方城之外扼要惟此在今

河南汝寧府信陽州東南九十里湖北德安府應山縣

北六十五里

高誘以此爲去農澗池非是張守節謂卽左傳伐郟三門之郟亦非

郟隘之塞

魏策

高本屬韓

魏鞅謂春申曰章今秦欲踰兵於郟

原作澗隘

之塞原注魏記所謂冥阨注楚險塞或以爲江夏郟縣案見上

危隘之塞

魏策魏將與秦攻韓章秦又不敢伐楚道涉山谷行三千里而攻危隘之塞原注危隘史作冥阨卽龜阨也案

見上

江

宋策公輸般爲楚設機章荆有雲夢犀兕麋鹿盈之江

漢

恩澤

案水經注江水東出江關入南郡界東流逕江

陵縣南又東至長沙下雋縣注于洞庭

胡渭曰此後世大江經流也禹

導江故迹當由江陵縣西南二十里之

虎渡口東南流注于澧水同入洞庭

又東北至江夏

沙羨縣西北沔水從北來注之

以上見江水篇

又東過彭蠡澤

又東至石城縣東北流過毗陵縣北爲北江又

下有東至會稽

餘姚縣之文甚誤茲節之

東入于海

以上見沔水篇

以今地言之蓋自四川

入湖北境歷巴東歸州東湖宜都枝江松滋江陵公安

石首監利等處東南至湖南岳州府與洞庭會又東北

經湖北之漢陽縣漢水合焉又北折而東經江夏武昌
黃岡大冶鄆水與國鄆州廣濟黃梅等處至江西九江
府彭蠡湖自南來注之又由安徽而江蘓至海門廳入
海當戰國時吳越既滅皆爲楚地策文所言殆專指荆
州武昌一帶與漢合流處耳

漢

見上

恩澤

案此東漢水也

西漢水至四川重慶府便
合于江其流不及楚境

水

經注沔水出武都沮縣東狼谷中東過南鄭縣南又東

合旬水

在今郿
陽縣

又東逕長利谷南

入湖
北界

又東南流逕江

夏雲杜縣東夏水從西來注之又南至江夏沙羨縣北

南入于江以今地言之蓋由陝西漢中興安二府歷經
湖北之鄖西鄖縣均州光化穀城襄陽宜城鍾祥京山
潛江天門沔陽漢川漢陽等處鄖西以下固皆楚地漢
中之南鄭興安之郇陽亦楚北境也

夏水

燕策秦召燕王章乘夏水原注江夏注沔水自江別至
南郡華容爲夏水正曰索隱云謂夏潦之水盛漲時也
下文乘夏水兩出可見矣

恩澤

案夏水在華容

漢華容縣爲今

監利石首二縣

在今荊州府東無論岷江遠在上游卽鄖都亦
在其西乃云乘夏水下江五日而至鄖豈不倒置至云

乘夏水下漢尤不可通夏本漢之尾流如鮑所云則漢
爲夏之尾流矣固應以索隱爲是 此條本可不錄因
吳說未暢故復辨之

洞庭

同上荆章取洞庭五都江南原注揚州記五湖一名湖
亭一名震澤一名洞庭正曰洞庭在巴陵

恩澤

案山海

經洞庭乃沅澧之交瀟湘之淵夏秋水漲方九百里水
經注湖水廣員五百餘里日月若出沒於其中湖中有
君山

君山有石穴潛通吳之包山
郭景純所謂巴陵地道者也

編山相次去數十里

迴峙相望孤影若浮巴陵舊志洞庭南連青草西吞赤

沙橫亘七八百里因名三湖

又名五湖亦曰重湖

每歲當六七月

間岷峨雪消水暴漲自荆江逆入洞庭清流爲之改色

正義洞庭湖在岳州巴陵縣西南一里今同

漸湖之縣巴陵居其

東華容安鄉居其北龍陽居其西沅江居其南湘陰居其東南

五渚

向上夏水章四日而至五渚原注史注在洞庭正曰今

詳本文下漢而至五渚則五渚乃漢水下流洞庭在江

之南非其地也

恩澤

案水經注湘水會資沅微澧四水

同注洞庭而北會大江名之五渚裴駟曰五渚在洞庭

沅澧瀆湘四水自南而入荆江自北而過洞庭瀘其間

謂之五渚

輿地廣記
主此說

說雖小異然五渚卽在洞庭

言五渚與

洞庭相近非謂
洞庭卽五渚也

有明徵矣索隱以五渚爲五處洲載劉

伯莊說謂在宛鄧間漢水上固非吳氏以爲漢水下流

洞庭非其地亦未是蓋策所云下漢至五渚者固仍由

漢

此謂西
漢水

入江而後至洞庭也若必在漢水上下則西

漢經流皆巴蜀故地

說見
秦策

與楚何涉

雲夢

見上江下原注

見本
策

澤名在南郡華容補曰雲在江北

今長沙監利景陵等縣是也夢在江南今公安石首建

寧等縣是也

恩澤

案爾雅十藪楚有雲夢郭璞曰巴邱

湖也呂覽九數雲夢其一

又見淮南子

漢志雲夢澤在華容

縣南此鮑說所本直以洞庭為雲夢固無是理然吳謂

雲在江北夢在江南亦相沿舊說殊不足據胡渭曰杜

注宣四年夢中云夢澤名江夏安陸縣東南有雲夢城

則夢在江北注定四年雲中云入雲夢澤中所謂江南

之夢則雲在江南注昭三年江南之夢云楚之雲夢跨

江南北則南雲北夢單稱合稱無所不可並無江北為

雲江南為夢之說蓋東抵鄆州西抵枝江京山以南青

草以北皆為古之雲夢孔疏所謂雲夢一澤而每處有

名者也顧棟高曰今荊州府之監利石首枝江安陸府

之荆門沔陽

今屬漢陽府

黃州府之鄆州黃岡麻城德安府

之安陸俱有雲夢之稱蓋雲夢綿地甚廣後世悉爲邑居聚落故地之以雲夢名者非一而安陸之雲夢爲尤著云

符離之塞

秦策謂魏冉曰章南有符離之塞北有甘魚之口

張氏琦曰

南北二字恐上下互易

原注符離之塞屬沛

恩澤

案漢志沛郡有

符離縣寰宇記爾雅莞苻離以地多此草故名

此說似誤爾雅

之苻从艸此从竹非一字史記路博德封符離侯表作邳離張宗泰曰苻邳聲相近一輕唇音一重唇音

坊曰今安徽鳳陽府宿州東北二十五里符離故縣漢

竹邑縣也此在竹邑之東見後漢書注

甘魚之口

見上原注疑爲濟陰高魚正曰左傳次于魚陂注竟陵

縣城西北甘魚陂

恩澤

案水經注巾水出竟陵縣東西

逕巾城下置巾水戍又西合楊水謂之巾口水

今天門縣西有

巾水一名義河

西有古竟陵大城城旁有甘魚陂卽左傳楚公

子次于魚陂者也地理今釋戰國多用水攻故楚守甘

魚之口祝氏鎰曰蓋自方城以南武關之東秦楚之地

表裏控帶顧棟高曰在今湖北安陸府天門縣西北

扞關

本策張儀爲秦破從連橫說楚王曰章不至十日而

扞關原注楚記晉伐楚楚爲扞關以拒之儀傳注巴郡

魚服有扞水關正曰徐廣云魚復有捍水捍關史楚蕭

王四年蜀伐楚取茲方於是楚作扞關拒之恩澤案地

理志巴郡魚復縣有江關郡國志作扞關華陽國志巴

楚相攻伐故置江關陽關水經注江水東出江關入南

郡界又自關東逕弱關扞關扞關廩君巴氏子務相浮夷水

所置也浮土舟於夷水據扞關而王巴事見世本弱關在建平秭歸界今歸

昔巴楚數相攻伐藉險置關以相扞防括地志陽關今

涪州永安縣今長壽縣治陽關城也今在巴縣扞關今硤州巴山

縣界

今長陽縣

故扞關也江關今夔州魚復縣今奉節縣南二十

里江州南岸對白帝城是

後漢書公孫述傳注江關舊在赤甲城後移于此張湛傳

注赤甲城在魚服縣北

合而考之陽關最西江關次之弱關又次

之扞關最東相去各一二百里

胡渭曰大江出三峽逕弱關江沱出狼山逕扞

關截然兩道

在魚復者固江關非扞關也鹽鐵論險固章謂

楚自巫山起方城

此庸之方城見左傳

屬巫黔中設扞關以拒秦

說稍籠統郡國志直改江關爲扞關而後人宗之

地理通釋

收輿地廣記一條亦誤

遂無不謂扞關在魚復其訛久矣

後漢書李熊說

公孫述曰東守巴郡拒扞關之口徐廣曰巴郡魚服有扞水扞關法孝直云魚服扞關臨江據水資益州勝福

之門皆設以

江關爲扞關

五都

見上洞庭下原注熊繹都丹陽文王徙江陵昭王徙郢
又徙都與鄢爲五正曰熊繹初封丹陽武徙枝江文都
南郢卽江陵昭王遷都惠王遷鄢二都皆不久故懷襄之
世仍都南郢其後徙陳又徙壽春實不止五都鮑因其
事在後故不論而其說不明故爲正之恩澤案鮑謂昭

王徙郢不知何指豈卽平王所城之郢耶吳謂武徙枝
江亦未是枝江之徙當卽在熊繹時左傳云若敖蚡冒
至于武文土不過圻猶不城郢則楚之都郢久矣但此
俱就國都言竊謂此章所引卽白起拔楚一事策云頃

襄二十年秦白起拔楚西陵或拔鄢郢夷陵又云一戰

舉鄢郢再戰燒夷陵南并蜀漢又云拔鄢郢焚其廟東

至竟陵又云秦果舉鄢郢巫上蔡陳之地

上蔡疑是上庸之誤陳衍

文是時楚方保陳則陳蔡未舉也

又云南亡鄢郢漢中楚世家頃襄王

十九年秦伐楚割上庸漢北地予秦二十年拔西陵二

十一年拔鄢燒夷陵二十二年復拔巫黔中郡黔中卽

下文所云江南也

說見後

而巫郡上庸西陵夷陵鄢郢皆

楚大都會五都疑卽指此

郢已見上文或不在數內白起列傳拔鄢五城五城似

卽五都然下云其明年拔鄢燒夷陵遂東至竟陵則五城非五都也

蓋大邑曰都不必盡

在建國地也秭歸枝江年代久遠恐不在五都之列

韓非

子作五湖張琦謂卽蘄州太湖似非或者五渚之訛耳

藍田

魏策獻書秦王曰章秦果南攻藍田鄢郢原注藍田秦地疑衍文正曰秦之攻楚多道藍田武關以出如敗楚藍田之云

恩澤

案秦之藍田去咸陽僅百餘里而距鄢

郢甚遠決非楚地當別有一地名藍田者儲大文曰漢書王莽傳南郡張霸江夏羊牧王匡等起雲杜綠林號下江兵晉灼曰本起江夏雲杜縣後分西上入南郡屯

藍田故號下江兵

見後漢王常傳

後漢郡國志南郡編縣有藍

田口聚

今本作藍口聚無田字晉灼注亦作藍口

注云下江兵所據蓋卽其

地今在襄陽府南漳縣西南又在安陸府荊門州北正

與鄆郢相近非今西安府之藍田縣也

史記夏侯嬰傳從攻南陽戰於

藍田芷陽此藍田與南陽相近疑卽在南漳者案隱以芷陽爲霸陵似誤又南陽有藍鄉伯升破甄阜處

夷陵

見上郢下原注屬南郡

恩澤

案地理志南郡有夷陵縣

應劭曰夷山在西北蓋因山以名縣郡國志郡置在石

鼻山上縣卽白起所攻之地索隱夷陵陵名後爲縣屬

南郡括地志峽州夷陵縣在荊州西通典夷陵故城在

夷陵縣西北

後漢書注寰宇記並同洪亮吉日夷陵故城有四一在縣東晉宋以前邑也一在縣

西北下牢戍隋以前故城也一在縣西北石鼻山宋建炎中所徙也一在縣東南宋靖平元年隨州所徙也似

與舊說小異今湖北宜昌府東湖縣治卽夷陵廢縣也

西陵

同上恩澤案楚世家頃襄王二十年秦將白起拔我西

陵徐廣曰屬江夏漢志江夏郡有西陵縣在今黃州府

黃岡縣西二里水經注以爲卽白起所拔之西陵正義

引括地志王之非也策云拔鄢郢東至竟陵竟陵爲今

天門縣則當時秦兵所及亦僅至安陸而止未嘗越漢

陽武昌而至黃州也水經注又云江水東過夷陵縣南

又東逕西陵峽荆州記自夷陵縣泝江二十里近志作西北二

十五里疑誤入峽口名爲西陵宜都記自黃牛灘東入西陵

界至峽口百許里顧祖禹曰今自巴東歷三峽一爲巫峽一爲

瞿唐峽一卽西陵峽或云西陵明月黃牛也俱在夷陵境下夷陵連山疊障江行其

中迴旋湍激至西陵峽口始漫爲平流故國於東南者

必以西陵爲重鎮是西陵距夷陵不遠吳黃武元年改夷陵縣爲西陵

縣胡三省曰西陵卽夷陵本此而亦楚要地也

竟陵

秦策昭王旣息民繕兵章東至竟陵原注後志屬江夏

補曰竟陵在郢州長壽縣南今復州亦其地恩澤案越

世家竟陵澤今作竟澤陵蓋誤楚之材也索隱楚有七澤竟陵

其一蓋亦財富之地孫宗鑑曰自蔡州南至信陽軍始

有山路迤邐至安陸可兩驛至復州皆平地南至大江

並無邱陵之阻謂之竟陵者陵自此而竟也漢志江夏

郡有竟陵縣

二志並同鮑注專屬後志非是

本楚鄖公邑

水經注云竟陵古鄖國也

正義故城在長壽縣南

通典後漢書注並同國策補正作東

百五十里長

壽今安陸府鍾祥縣然云在縣南百五十里則當在今

天門縣西北

方輿紀要作西南非是

七十里

天門在鍾祥東南二百二十里

故輿

地廣記謂復州景陵縣

即今天門縣

卽白起攻郢所至處實

字記謂在長壽縣西四十步似誤

錢坫明知其誤反云據此則爲今天門縣

尤不可解

州

本策江乙爲魏使於楚章州侯相楚貴甚矣

恩澤

案左

傳將與隨絞州蓼伐楚師杜注華容縣東南有州國楚

世家考烈王元年納州于秦以平卽此漢志南郡有州

陵縣晉志南郡州陵楚嬖人州侯所邑水經注江之右

岸有雍口東北流爲長洋港又東北逕石子岡岡上有

州陵故城莊辛所言左州侯國矣在今湖北荊州府監

利縣東三十里

錢坫謂在武昌府西南胡渭謂在今沔陽州似誤

隨

同上夏水章寡人積甲宛東下隨原注屬南陽

恩澤

案

漢志南陽郡隨縣故國

又有屬鄉故厲國也

杜預曰今義陽隨縣

括地志隨州外城古隨國地在上蔡縣東北五十里有

楚武王墓

此條疑有誤上蔡或是上明

索隱宛縣之東而下隨邑

洪亮

吉日古宛城在今荆門州南六十里

今爲湖北德安府隨州

隨陽右壤

陽一作水

同上郢章必攻隨陽右壤高注隨陽右壤皆楚邑補曰

楚都陳隨水之右壤蓋在隨之西今鄧州之西多山林

者是也

恩澤

案正義楚都陳而隨故國在西南是楚之

右壤胡三省曰右壤蓋其地在楚都之右蓋自荊州觀

之則隨在楚左自陳州觀之則隨在楚右也

夏州

見上汾陘之塞下原注車允云

桓溫集

夏口城上有州曰

夏州補曰左傳楚莊伐陳鄉取一人以歸謂之夏州卽

此正義云夏水口在荊州江陵縣離騷過夏口

今本作夏首

而西浮是也

恩滄

案注謂此卽左傳夏州甚是惟謂在

荊州江陵縣則誤甚蓋漢水自今江陵縣至今漢陽縣

通謂之夏其中有可居者曰州盛宏之曰夏州首尾長

七百餘里孔穎達曰大江中洲是也其在江陵者謂之

夏水口乃夏水之首江之汜也亦名夏首

又名豫章口

離騷

所云過夏首而西浮也在漢陽者謂之賸口

亦名魯口又名沔口

今日漢口乃夏水之尾江之沱也亦名夏浦離騷所云背夏

浦而西思也策云東有夏州其地在楚東境當指漢陽

言闕駟曰夏口城上有洲名夏洲

此十三州志文見水經注鮑以爲車尤亦

非允說云夏口城北數里有洲名夏州卽沔水入江處沈約曰夏口在荆

江之中正對沔口李吉甫曰鄂州春秋時謂之夏沔俞氏

正變曰左傳夏沔當在今壽州漢書地理志城父縣夏

肥水東南至下蔡入淮今在下蔡西南十里正夏肥水

之沔也其地與棘雜枰櫟雜幹麻雖在相近亦與下文

城鍾離城州來城巢不遠非漢水之夏沔也說本施彦

士漢爲沙羨東境後漢末謂之夏口卽今漢口也張氏琦曰

今夏水又謂

之長夏河

夏

同上寇塞章君王左州侯右夏侯輦從鄢陵君新序引此作新

安君與壽陵君恩澤

案江永曰自楚莊王討陳夏氏鄉取

一人以歸謂之夏州地近漢水於是漢水遂有夏名凡夏汭夏口夏首夏侯及漢之江夏郡縣皆以此立名據此則夏侯封地亦當在今漢陽武昌之間

江南

見上洞庭下原注江南卽漢志

坊本

楚地所謂江南地

遠者正曰正義云江南在豫章長沙南楚之地

恩澤

案

言江南者諸說不同秦本紀楚人反我江南正義曰黔

中郡反歸楚

卽楚世家所云江旁十五邑

越世家江南泗上不足以

備越正義曰江南洪饒等州春秋時爲楚東境楚詞章

句江南在湘郢之間徐廣曰江南者丹陽也秦鄢郢言
士奇曰楚初都丹陽在枝江居江南後徙郢都在荊州
居江北別都鄂卽武昌亦在江南自荊州以南皆楚所
謂江南也是江南所包者廣而此策所云則以黔中爲
是秦本紀云取巫郡及江南爲黔中郡下云楚人反我
江南正義曰黔中郡反歸楚其事在白起拔郢後一
年與策文相應城渾出周章今邊邑之所恃者非
江南泗上也亦當如此解蓋一南境一東境也

長沙

本策長沙之難章原注長沙荊州國恩澤案地理志荆

州有長沙國後漢改作郡蘇林曰古青陽也水經注縣

本青陽之地

漢書鄒陽傳越水
長沙還舟青陽

秦始皇二十六年荆王

獻青陽以西

見秦本紀

卽此元和志接東方朔記南郡有萬

里沙祠自湘川至東萊地可萬里故曰長沙

此說似不可信通

典或云軫旁有小星名長沙應其地而名今接越世家

犖龐長沙楚之粟也則其得名已久蓋楚積穀之所

或曰

本古三苗國春秋時楚得其地以爲南府故能雄長于江漢間

今爲湖南長沙府

蒼梧

見上汾陘之塞下原注交州郡正曰正義云蒼梧山在

道州南按此乃楚粵窮辨處交州蒼梧則粵地也

恩澤

案山海經蒼梧之邱蒼梧之淵其中有九疑山

注云其山九峯

相似

淮南子注舜葬九疑在蒼梧馮乘縣東北零陵之

南千里

按漢馮乘縣爲今江華縣在道州南七十里卽是零陵不足千里或曰今廣西富川縣賀縣皆

古馮乘地然亦僅在零陵南三五百里耳

文穎曰九疑山半在蒼梧半在零

陵胡三省曰太史公謂舜南狩崩于蒼梧之野歸葬于

江南九疑山在今道州零陵界則蒼梧九疑兩處也合

而言之者誤也據此則九疑或在零陵而蒼梧在其南

自當卽指漢蒼梧郡言蓋漢蒼梧郡爲今廣西梧州平

樂廣東肇慶三府及湖南永州府之永明江華二縣

張氏

琦曰古蒼梧漢零陵郡也今永州府至廣西全州地

是時楚地跨有蠻粵未必不

至於此正無庸信吳而屈鮑也

桂陽

桂史作杜

韓策爲公仲謂向壽曰章中封小令尹以桂陽原注中

言使楚自封之國中桂陽荊州郡補曰桂陽史作杜陽

索隱云秦地

恩澤

案杜陽爲今陝西鳳翔府麟遊縣秦

地也但策旣是桂陽不得以史記爲說漢志桂陽郡有

桂陽縣桂水所出因以爲名

見水經注

裴淵廣州記桂陽爲

五嶺之一今湖南有桂陽州郴州有桂陽縣皆其地又

衡州府耒陽縣後漢於此置桂陽郡廣東連州有桂陽

廢縣亦楚境也

安陵

本策江乙說於安陵君曰章原注召陵有安陵應屬楚

正曰正義云鄆陵故城在許州鄆陵縣西北李奇謂六國時爲安陵鄆陵召陵皆屬楚張氏琦曰鄆陵屬魏召陵屬楚徐廣以召陵釋魏安陵故正義主鄆陵以糾其失吳氏援以說楚又曰鄆陵召陵皆屬楚誤矣恩澤案莊辛謂楚襄王章有鄆陵君疑卽是人正義之說不爲無據然鄆陵固稱安陵而楚又別有一安陵故城在今湖南郴州永興縣西南五十里或者卽其所封未可知也

國策地名考卷七

歙 程恩

儀徵阮芸臺先生鑒定

溧陽 狄子

魯山 張宗泰 訂

楚下

巫郡

見上汾陘之塞下原注屬南郡補曰南郡之西界

恩澤

案漢志南郡有巫縣水經注秦省郡立縣以隸南郡蓋
卽楚巫郡也地據巫山之險因以爲名正義楚自梁州
漢中郡南有巴渝過江南有黔中巫郡括地志巫郡在

夔州東百里通典夔州巫山縣楚置巫郡於此又曰今
歸州巴東縣地理通釋故城在今巫山縣北

本後漢書注今

在巫山縣東而湖北宜昌府之巴東施南府之恩施建

始三縣皆其地也

巫

同上龜塞章秦果舉郢巫上蔡陳之地

恩澤

案巫卽

巫郡也

黔中

見上汾陘之塞下案見秦

上庸

秦策秦武王謂甘茂曰章南取上庸恩澤案取者取之於楚也餘見秦

枳

同上夏水章楚得枳而國亡原注屬巴郡恩澤案漢志

巴郡有枳縣華陽國志涪陵巴之南鄙從枳縣入泝涪

水有明月峽廣德嶼水經注江之南岸有枳縣治華陽

記曰枳縣在江州巴郡東四百里治涪陵水會庾仲雍

所謂有別江出武陵者也正義今涪州城在秦枳縣元

和志涪州賓化縣今南川縣本漢枳縣地與荆楚界相接胡

三省曰漢之涪陵今彭水縣今之涪陵乃漢枳縣也錢

謂漢之涪陵卽今涪州因以漢枳縣在
今重慶府城西北一百十五里非是
洪亮吉曰今四

川重慶府之涪州及長壽南川二縣皆漢枳縣地
其故城在

涪州
西

巴蜀

同上汾陘之塞章寡人之國西與秦接境秦有舉巴蜀
并漢中之心案並見秦

漢中

見上又見秦策秦取楚漢中又云南亡鄢郢漢中案見
秦

郢陽

見上汾陘之塞下原注徐注今順陽屬汝南

括地志正義並主此

說

正曰索隱云郇陽當是新陽汝南有新陽縣在新水

之陽

恩澤

案二說皆非也

正義又云順陽卽堵陽尤誤

地理志漢中

郡句陽縣

後漢省

北山句水所出南入沔東有句關師古

曰漢中句水上之關也

丁度云沔水在晉陽非是

寰宇記郇陽金州

縣輿地廣記金州洵陽縣卽楚郇陽也楚世家秦復與

楚上庸正義云今房州竹山縣及金州是又云割上庸

漢北地予秦正義云割金房均三州及漢水之北則其

地本相接也通雅郇陽在鄖漢之間酈商攻句關正義

曰在金州

據此則正義蓋並存衆說

今漢中興安州魏之金州也洪

亮吉曰今爲陝西興安府洵陽縣

郿句洵三字並通

又商州鎮

安縣亦其地

北地

同上并關章秦舉甲出之武關南而攻則北地絕原

注北竟之地非幽州郡

恩澤

案楚北竟之地自汾陘以

北郿陽以南皆是

南陽

同上陘山章魏戰勝楚敗于南陽原注荊州郡非修武

所謂

恩澤

案漢志荊州有南陽郡劉熙曰在中國之南

而居陽地故曰南陽張衡曰陪京之南居漢之陽是也

今爲河南南陽府此地分屬楚韓二國故宛穰等縣既
見於韓又見於楚後皆爲秦有一彼一此迄無一定茲仍分
見焉

宛

西周策薛公以齊爲韓魏攻楚章取宛葉以北原注屬

南陽補曰宛鄧州縣

恩澤

案漢志南陽郡宛縣故申國

秦本紀昭王十五年白起攻楚取宛十六年封公子市

於宛韓世家釐王五年

卽秦昭王十六年

秦拔我宛是宛本分

屬楚韓二國而秦并之者也至昭王二十七年使司馬

錯攻楚赦罪人遷之南陽於是宛兼南陽之名三十五

年遂置南陽郡治宛括地志城在宛大城南見水其西

南二縣皆故宛城也今爲河南南陽府南陽縣 楚別

有一宛在今荆門州見上隨下

穰

魏策穰侯攻大梁章君攻楚得宛穰以廣陶案見秦

葉

見上宛下原注屬南陽補曰葉汝州縣恩澤案漢志南

陽郡有葉縣楚葉公邑皇覽縣西北三里有葉公諸有

長城號曰方城元和志後漢書謂葉縣爲小長安按郡

注小長安在育陽言土沃人豐也閻若璩曰葉故城距

縣與葉非一地

今縣二十里有方城山蓋楚適諸夏必從此出故連山
累石於此以爲固高士奇曰葉有東坡東西十里南北
七里志稱沈諸梁所鑿其故城在今南陽府葉縣南

或作

東三或作二十里舊縣鎮

葉庭

東周策秦典師臨周章謀之於葉庭之中原注卽南陽
葉也補曰姚云後語作章華之庭恩澤案楚章華臺甚
多然未有以爲葉庭者當依本文解之爲是

黃棘

秦策謂秦王曰章取黃棘而韓楚之兵不敢進原注正

義曰蓋在房襄二州

恩澤

案今南陽府新野縣東北七

十里有棘陽城古謝國也地在棘水之陽故曰棘陽或謂之黃棘卽秦楚盟處或曰在今湖北鄖陽府鄖西縣之黃山

鄧

秦策秦取楚漢中章韓魏間楚之困乃南襲至鄧

恩澤

案鄧有三一在今湖北襄陽府襄陽縣東北二十里古

鄧國也漢志南陽郡鄧縣故國

楚文王滅之

括地志故城在

襄州安養縣北二十里

元和志作臨漢縣東北二十二里

是也一在今

河南南陽府鄧州亦古鄧國地

一統志以此爲鄧國以襄陽之鄧城爲鄧國地

江永荀子所謂鄧林也

路史云古鳳林

其地多名材山高水深

舟車輳泊號爲陸海卽秦穰邑與襄陽接境一在今河

南許州鄧城縣東南三十五里名鄧襄城亦曰鄧城蓋

本楚地昭十三年蔡公召子于子暫盟于鄧杜注潁川

召陵縣西南有鄧城括地志故鄧城在豫州鄧城縣東

三十五里正義曰在召陵縣四十里是也凡左傳桓二

年蔡侯鄭伯會于鄧

服虔賈逵以此爲古鄧國路史以此爲蔡地

成九年鄭

伯會楚公子成于鄧史記秦昭王十六年司馬錯取鄧

封公子悝

元和志以此爲襄陽鄧寨

皆此地卽韓魏所襲也 隱十

年盟于鄧杜注魯地路史黃帝臣鄧伯溫國與南陽子

姓之鄧

說文作曼姓與左傳合

有別

當在今兗州府境

又括地志云故鄧

城在懷州河陽縣西三十一里六國時魏邑張宗泰曰今輝縣亦有鄧城長泉水發源於修武縣之白鹿山伏流十三里而見於鄧城見水經注均與楚無涉

上蔡

見上巫下原注

見秦策

屬汝南

恩澤

案地理志汝南郡有

上蔡縣故蔡國周武王弟叔度所封度放成王封其子

胡十八世

平

徙新蔡

宋忠以爲胡從新蔡非是

應劭曰九江有下蔡

卽州來昭侯所徙

故此稱上亦謂之蔡陽孔氏曰蔡城在蔡水

之陽也正義上蔡縣在豫州北七十里縣外城古蔡國

城也今屬河南汝寧府

今修武縣亦有蔡城當是蔡叔監殷時封邑

水經

注引竹書紀年云魏章率師及鄭師伐楚取上蔡則上蔡本楚地惟謂白起攻楚時舉之似非事實

葉蔡

同上夏水章則以葉蔡委于魏

恩澤

案葉卽葉縣蔡卽

上蔡縣也或曰楚滅蔡使葉公主之故稱葉蔡似亦可

備一說

陳蔡

秦策蔡澤見逐於趙章南攻揚越北并陳蔡

恩澤

案陳

卽故陳國蔡卽故蔡國也但考左傳及史記楚惠王十

一年滅陳四十二年滅蔡俱在悼王以前茲乃云吳起
佐悼王南攻北并豈惠王時復如平王故事更封之耶
姑錄之以俟考

據齊策則魏惠王時尚有
陳蔡又在楚悼王之後

新城

本策城渾出周章南遊於楚至於新城原注新城蓋河
南密也正曰下章言新城陽人陽人在汝州當是與此
近者

恩澤

案新城有四俱在今河南省一在歸德府商

邱縣文十四年諸侯同盟于新城郡國志梁國穀熟縣
有新城是也一在開封府密縣僖六年諸侯陷新城傳
曰實新密是也一在許州襄城縣括地志許州襄城縣

卽古新城縣是也一在河南府洛陽縣地理志河南郡

新城縣故戎蠻子國是也

此外如秦之少梁晉之曲沃皆號新城又燕有北新城北

海郡亦有新城縣均與楚無涉

此新城與周相近在宜陽

今宜陽縣陽人今

汝州之間

並見本策

當是洛陽括地志洛州伊闕縣隋開皇十八年改置

本漢新城縣在州南七十里其地正當汝州之北宜陽之東楚南境也

陽人

本策韓公叔有齊魏章矯以新城陽人子太子原注南

陽縣有陽人聚補曰括地志陽人在汝州葉縣西

恩澤

案漢志河南郡梁縣有陽人聚秦滅東周遷其君於此

徐廣曰在洛陽南百五十里梁新城之間梁今汝州新

城在洛陽南七十里而陽人在梁縣西四十里約距新

里距洛陽一百十里是在其間也舊注南陽縣當作河南郡今蔡

注引地理志本作河南梁縣有陽人聚葉縣當作梁縣

成陽成本作城

同上寇塞章襄王流拚於成陽原注成陽屬汝南補曰

史東北保于陳城當是指此城爾思澤案漢志汝南郡

有成陽侯國水經注淮水逕成陽縣故城南卽此今在

河南汝寧府信陽州東北又光州息縣及固始縣西俱

有成陽城見方輿紀要當時襄王自郢保陳路必經此或先

在光汝一帶流揜數日然後東保陳城未可知也

張氏釋地

說同

鄢陵

見上夏下

恩澤

案通鑑秦始皇二十二年李信攻楚鄢

郢胡三省曰時楚遷壽春所謂鄢者卽春秋鄭伯克段于鄢之鄢郢則陳州也據此則鄢陵疑卽今開封府鄢陵縣然襄王時尙未遷陳又或在宜城亦未可定

南鄭

韓策楚圍雍氏章出兵於三川以待公殆不合軍於南

鄭矣

恩澤

案此南鄭卽新鄭也是時楚圍雍氏其地在

今開封府扶溝縣之西禹州之東與新鄭相近秦雖聲
言救韓實持兩端故曰殆不合軍於南鄭舊注因上云
請道於南鄭藍田以入攻楚謂此南鄭亦漢中縣又因
史記無軍於南鄭四字以此爲衍文俱誤秦策云楚臨
南鄭則新鄭稱南鄭已有明徵矣就本策言之當以上
南鄭爲漢中下南鄭
爲新鄭 水經注云沔水又東謂之鄭公潭言鄭武公與
昭王同湯水非也斯乃楚之鄭鄉守邑大夫僭言公爾
據此則楚別有鄭地在今江夏武昌等處當存以備參

三川

見上下又云公戰勝楚遂與公乘楚易三川而歸公戰

不勝楚楚塞三川而守之公不能救也

恩澤

案此卽韓

三川也高誘曰三川謂宜陽以一縣言張守節曰三川

謂洛州以一郡言

又云三川河南之地兩川之間

國策所云三川不過

如此呂祖謙曰三川在今爲衛懷孟開封鄭河南汝陝
號拱之地則據秦三川郡言其域廣矣

潁川

同上桂陽章公何不以秦爲韓求潁川於楚此乃韓之
寄地也原注此本韓地楚取之故云

恩澤

案漢志豫州

有潁川郡爲今河南開封陳州南陽及許汝二州之地

當時潁川亦斷不至此顧祖禹曰今禹州陽翟縣

今以陽翟

并大禹州
屬開封府
蓋專就郡治言

上梁

同上新城章鄭魏之弱而楚以上梁應之原注此山陽
濟陰故梁近楚故也正曰故梁在汝州西南此云上梁
非是恩澤案楚語惠王以梁與魯陽文子文子辭曰梁

險而在北境則梁爲楚地已久左傳所云封軫于汝是
也惟策云新城上梁相去五百里張氏琦疑相去五百里句上下互易似亦

有見詳新城在洛陽南七十里距汝州不及百里則此
見魏

上梁非汝州梁縣可知然鮑云山陽濟陰故梁固謂地
理志之山陽濟陰二郡皆漢梁國地非謂汝州也惟濟

陰非楚地山陽又太遠

今兗州府

以今考之當在河南歸德

府亦漢梁國地距新城約五百里秦爲碭郡故楚地漢

初改稱梁國必非無因也方輿紀要以爲卽南梁則仍

在汝州矣

左傳脾上梁之間大事表謂在今內黃縣西向卽牽也與此異杜注牽在魏郡黎陽縣

下東國

齊策楚王死章君何不留楚太子以市其下東國高注

下東國楚東邑近齊鮑注卽楚策東地蓋楚國之東其

地近齊楚地高而此下

恩澤

案胡三省曰楚滅陳蔡封

眡于汝滅越取吳故地并有古徐夷之地皆在淮北卽

楚所謂下東國

東國

同上宛章欲王令楚割東國以與齊高注楚東國近齊

南境者鮑注楚之東地卽楚策下東國

恩澤

案正義曰

東國謂下相僮取慮也

張氏釋地下相故城在今宿遷縣北七十里僮在今睢寧縣境

取慮在今雲壁縣北

顧祖禹曰謂壽春以東

東地

本策楚襄王爲太子之時章予我東地五百里乃歸子

恩澤

案胡三省曰東地蓋楚之東境淮汝之地也合而

考之殆卽東國之地方五百里耳

泗上

同上新城章今邊邑之所恃者非江南泗上也

恩澤

案

正義曰泗上徐州春秋時楚北境也胡三省曰楚蠶食魯國有泗上之地今按楚世家楚自越滅吳卽東侵廣地至泗上不待取之於魯亦非獨徐州也

泗北

同上郢章齊人南而泗北必舉

恩澤

案言泗北則爲今

山東兗州濟寧等處矣此皆齊地意必有與楚境相錯者

方輿

同上魏氏將出兵而攻留方輿鉅胡陵碭蕭相故宋必

盡原注方與屬山陽

恩澤

案漢志山陽郡

左傳杜注作高平卽山陽

也通雅謂在澤州非是

有方與縣

卽魯唐邑亦作棠縣北有觀魚臺又有泥母亭重鄉城卽左傳

重館也

楚世家外擊定陶則大宋方與二郡者舉矣卽

此地元和志魚臺縣城卽漢方與縣城也今在山東濟

寧州魚臺縣北

胡陵

見上原注屬山陽

恩澤

案地理志山陽郡有湖

史記項羽本紀

曹參世家並作胡與策同

陵縣

又廬江郡亦有湖陵縣今爲安徽太湖縣

郡國志作湖陸

章帝更名

劉昭曰前志王莽改曰湖陸故城在方與縣東南

說文蒔澤水在胡陵水經注泗水逕郟鑿城北又東南

逕湖陵城寰宇記在魚臺縣東南一里今在魚臺縣之

東南六十里

又在徐州府沛縣北五十里

沛

魏策楚許魏以六城章楚破南陽九夷內沛原注沛豫州郡內言入其地正曰內沛地名必屬豫州者

恩澤

案

吳以內字連沛爲地名當以鮑注爲正漢志沛郡有沛

縣水經注昔許由隱于沛澤縣取澤爲名寰宇記左傳

齊侯田于沛卽此

據左傳齊侯田于沛杜注卽貝邱也與此非一地

今江蘇徐

州府沛縣治東南微山下有沛故城

方輿紀要以爲本古偃陽國非是偃

陽在今充州府嶧縣

留

見上方與下原注屬楚國

恩澤

案地理志楚國有留縣

郡國志屬彭城國

又地理志有陳留縣孟康曰留縣地後爲陳所并故曰陳留與此非一地

臣瓚曰宋亦有留彭城留是也

發墨守留在陳宋之東水經注蒗水東

南過沛縣東北又東南過留縣北留縣故城翼佩泗濟

宋邑也春秋傳所謂侵宋呂留者也括地志留故城在

沛縣東南五十五里

元和志靈字記並同

今沛縣東南五十里有

留城鎮

碭

同上原注屬梁國

恩澤

案地理志梁國有碭縣郡國志

作礪山縣水經注獲水又東逕礪山縣故城北應劭曰

縣有礪山在東

今在東南七十里

出文石秦立礪郡蓋取山名

正義今礪山縣是也顧祖禹曰今徐州府礪山縣東

洪亮

吉作南

三里有礪縣故城

錢坫謂在河南歸德府永城縣北疑誤地雖接壤然僅在礪山

縣東南三里則不得在永城審矣

蕭

同上原注屬沛

恩澤

案漢志沛郡有蕭縣故蕭叔國宋

別封附庸也北征記城周十四里

路史引作四十里

南臨汙水

路史引作汙水蓋誤

高士奇曰蕭有二城北城去南城二十里南

城卽故蕭國相傳蕭子避暑城也唐以前縣治北城宋

以後皆治南城明萬歷間徙于三台山南麓古蕭城在縣北十里今同

彭城

本策昭奚恤與彭城君議於王前章原注彭城屬楚

澤

案地理志楚國有彭城縣古彭祖國郡國志作彭城

國世本堯封彭祖于彭城號大彭氏國于此北征記城

北六里有山臨泗水經注獲水又東至彭城縣北東入

於泗城殷大夫彭祖之國也于春秋爲宋地孟康曰舊

名江陵爲南楚陳爲東楚彭城爲西楚

文穎曰彭城故東楚也項羽都

謂之西楚

正義彭城徐州所理縣也州東外城古之彭國今

徐州府銅山縣卽其地也

相

見上方與下原注屬沛

恩澤

案漢志沛郡有相縣

郡國志陳

國苦縣春秋時曰相今爲鹿邑縣又臨淮郡有下相縣今爲宿遷縣俱非一地

左傳桓十五年

會于蒙

一作蒙在縣西南

卽此水經注相爲睢水之別名應劭

曰縣以水名元和志故城在符離縣西北九十里寔宇

記古相土所居宋共公自睢陽徙都於此

說見水經注

洪亮

吉日今宿州西北有相山下有漢相縣故城址卽相土

舊都之所

鍾

秦本紀作鍾

同上原注屬沛

恩澤

案漢志沛郡有銍縣注云故城今

臨渙縣也錢坫曰在今安徽鳳陽府宿州西南九十里

方輿紀要云宿州南四十
六里有銍城未知孰是

淮北

同上鼂塞章於是乃以執珪而授之爲陽陵君與淮北

之地原注句上有缺文新序云與舉淮北之地十二諸

侯後語云與謀秦復取淮北之地大事記復取江南史作

旁十五邑在頃襄二十三年

恩澤

案策文與字蓋舉字

之訛非有缺也注謂淮北之地卽楚世家所云復西取

秦所拔我江旁十五邑亦未是世家所云指黔中巫郡

言故曰西取若淮北則楚之東南非西也說見齊策

江東

本策楚王問於范環曰章昧之難越亂故楚南察瀨湖而野江東原注以江之東爲野

思澤

案史記甘茂列傳

故楚南塞厲門而郡江東正義曰吳越之城皆爲楚之都邑春申君列傳因并獻淮北十二縣請封于江東因城故吳墟以自爲都邑正義曰今蘄州也

此說非是以詳見下

今考之凡元和志之江南東道輿地廣記之江南東路皆古江東地

瀨湖

見上原注南陽有厲音賴正曰史作塞厲門地皆未詳

恩澤

案地理志南陽郡隨縣有厲鄉故厲國也其地在

今湖北德安府隨州北百八十里乃楚之北境非南境

也且距江東絕遠與越地亦迥不相涉又不聞有湖其

誤無疑

厲本音賴其地又有溧水注滇見元和志故易混

寰宇記按滕公廟記

云古固城是吳瀨諸同縣地楚靈王與吳戰遂陷此城

吳移瀨諸縣於溧陽十里改陵平縣平王時又與吳戰

吳軍敗取陵平縣改爲固城或曰卽左傳昭十二年所云圍固城是也至伍

員破楚奔南海固城宮殿遂廢顧祖禹曰固城在今

江寧府高淳縣南十五里春秋時吳所築瀨清邑漢置

溧陽縣於此

此與寰宇記小異蓋溧陽縣本在固城後乃東徙也

其西南五里爲

固城湖

俗名石景湖

殆卽所謂瀨湖也

今溧陽縣有投金瀨亦與此相近蓋本一

水古所云永陽江也

此於戰國時爲越地又與楚金陵邑

卽今江寧府

相近自此以東則江東矣

瀨本與厲通而溧陽之溧土音又與厲同故遂訛爲厲門

然徐廣云一作瀨胡則史記本與國策同

春申

本策唐睢見春申君曰章原注楚相黃歇

恩澤

案寰宇

記楚相黃歇封爲春申君本在壽州爲去齊近爲齊所

侵迫徙都於吳封爲春申君開申浦

在今武進縣北七十里

置田

有上屯下屯今無錫惠山寺有黃歇廟又湖州有菰城

在今烏程縣南二十五里皆春申故地據此則歇之封地由淮北而

江東而浙西其域屢遷而所謂申浦者則春申之所由名也史記正義既以春申爲號諡又以本傳故吳墟爲今蘄州俱誤故吳墟在今無錫縣梅里與申浦相近

句章

同上江東章且王嘗用召滑於越而納句章史作行章非是原

注屬會稽恩澤案漢志會稽郡有句章縣注引山海經

曰句餘之山無草木多金玉郭璞曰山在餘姚南句章

北故二縣因以爲名卽甬東也顧棟高曰甬東爲今定海縣國語作甬句東明

其地在甬句之東也今按圖經甬東在十三州志句踐今鄞縣西距定海二百餘里似非一地

之地南至句無後并吳因大城之章霸功以示子孫故

曰句章秦置句章縣水經注江邊有查浦浦東行二百

餘里與句章接界圖經鄞縣西

原作東疑誤

有甬東及句章

故城寰宇記句章故城在明州鄞

疑當作鄞宋無鄞縣

縣西路史

句章故城在明之鄞縣西今按句章本是華平山四明

接其東嶺天台續其南峯故城在今浙江寧波府慈谿

縣西南三十五里

錢坫作十五里洪亮吉作四十里

城山渡東其在唐

之鄞縣宋之鄞縣西者乃晉隆安四年所遷之城在今

寧波府鄞縣南小溪鎮雖接壤而非一地

東海

同上并闕章楚國僻陋託東海之上恩澤案釋例海自
遼西北平漁陽章武渤海樂陵樂安北海東萊城陽東
海廣陵吳郡會稽十四郡之東界以東今自海州以南
寧波以北皆楚境也所謂東海也

海陽

見上汾陘之塞下原注海之南耳非遼西郡也正曰廬
藏用云在廣陵東今揚州海陵縣劉氏云楚之東恩澤

案周書王會解有海陽大嶼注云海水之陽史記高祖
功臣侯表有海陽索隱曰海陽亦南越縣地劉伯莊云
楚并吳越地東至海海陽蓋楚之東南境路史漢之揭

陽亡餘所封

水經注以爲在遼西非是

今潮之海陽縣地理通釋楚

威王六年敗越盡取吳故地至浙江左傳楚奄征南海

則自春秋以來楚已跨及蠻越矣若僅以今揚州府泰

州

漢海陵縣

當之似不足以盡其疆域惟於東字差合耳

重邱

本策術視伐楚章昭睢勝秦於重邱原注屬平原正曰

恐非

恩澤

案重邱有二左傳衛孫蒯飲馬于重邱曹地

也在今曹縣東北五十里諸侯同盟于重邱齊地也在

今聊城縣東南五十里

在平縣西南二十里

但此皆非楚境所及

史記正義謂在冀州城武縣界

見樂毅列傳

亦似誤文

冀州蓋曹

州之

胡三省曰呂氏春秋齊合章子與韓魏攻荆荆使

唐襄將兵應之夾比

比當作泚下並同見水經注及文選南都賦注後漢伯升傳同漢志

作泚者非泚出廬江郡潯縣泚山泚出泚陽東北太湖山二字迥別

而軍章子夜襲之斬

襄于是水之上水經注泚水又西澳

本作漢文選注同

水注之

水北出此邱山南入于泚水意者重邱卽此邱也洪亮

吉曰今南陽府泌

亦當作泚

陽縣西北三十里有慈邱山澳

水出焉水經注作此邱云古名重邱史記秦會韓魏齊

兵伐楚敗之於重邱卽此今按水經注並無此邱古名

重邱之文洪蓋誤以胡注爲酈注惟楚世家云殺將軍

唐昧取我重邱而去此云勝秦於重邱恐非一地當從

闕疑

垂沙

本策蕪子謂楚王曰章垂沙之事死者以千數原注未

詳兵略訓楚兵殆于垂沙亦不注

史記禮書兵殆於垂沙唐昧死焉許慎曰

垂沙地名也涉蓋沙字之訛張宗泰曰涉沙聲相近

恩澤案荀子議兵篇兵殆于

垂沙唐蔑死楊倬注垂沙地名未詳所在漢地理志沛

郡有垂鄉豈垂沙乎今按史記楚懷王二十八年秦與

齊韓魏共攻楚殺唐昧取我重邱而去昧與蔑同據此

則垂沙之事卽殺唐昧之事秦本紀昭王八年

楚懷王三十年

齊使章子魏使公孫喜韓使暴鳶共攻楚方城取唐昧

則垂沙當即在方城內外上條重邱在泚陽即今南陽府正與方城相近惟策與史

五異故但難確言其處耳固非沛郡鄆縣之垂鄉也
疏章

燕策燕代謂燕昭王曰章楚不出疏章原注地缺

壽陵

見上夏下恩澤案通鑑秦莊襄王二年五國攻秦取壽

陵至函谷徐廣曰在常山正義曰趙邑也胡三省曰當

在河東郡蓋以秦本紀作秦卻于河外故也然河南亦

稱河外則即謂壽陵在新安宜陽之間亦無不可但此

雖楚境所及未必即壽陵君之邑也或曰壽陵即今壽

州亦無確證

陽陵

見上淮北下原注新序作成陵今無考

棘門

本策楚考烈王無子章止於棘門之內原注宮門以棘

衛之

恩澤

案史記正義曰棘門壽州城門蓋以考烈王

遷都壽春望文生義而爲此說就策文審之仍以舊注

爲是

章臺

楚策稱秦爲趙合從說楚威王曰章今乃欲西面而事

秦則諸侯莫不南面而朝於章臺之下矣原注秦臺在

咸陽

恩澤

案秦本紀楚懷王西至咸陽朝章臺如藩臣

禮孟康曰章臺在長安中三輔黃圖章臺宮在漢長安

故城西秦宮也中有章臺因名孔氏曰臺在渭南

按秦都渭

北而當時朝章臺稱咸陽者邇長安而言也

此舊說所本也但既云西面事

秦又云南面朝章臺殊參差不合史遷知其難通故於

下句亦改作西面

見蒞秦列傳

竊疑策文不字蓋衍

或有言誤

楚既西面事秦則諸侯無南面事楚者所謂秦強則楚

弱也夢溪筆談亳州城父縣

南九里見都國志元和志

陳州商水縣

西北三里見

荆州江陵

東南十五里沙市亦見方輿紀要

長林

無考 監利

縣見杜注晉

俱有章華臺

魏書地形志汝陽郡汝陽縣注云亦有章華臺

此當

注江陵志云故楚離宮也渚宮故事靈王所築臺形三

角亦曰豫章臺今爲章臺寺

俞理初曰靈王所築當在乾谿今亳州也按左傳楚

子爲章華之臺在死於乾谿之前當仍以在江陵爲是